



Universitätsbibliothek Paderborn

**Libelli Cvivsdam Antverpiæ Nuper Editi Contra
Serenissimvm D. Ioannem ab Austria, Gubernatorem
generalem inferioris Germaniæ, qua parte conscientiæ, vt
vocant, libertas in eo requiritur, breuis & ...**

Lens, Jean de

Lovanii, 1578

Vndeclimum ostendit frustra niti haereticos, suam vel suorum excusare
saeuitiam, per hoc quod se catholici non accommodent, cum eam
requirant ac accommodationem, & condescensionem, quae ab iniuria ...

urn:nbn:de:hbz:466:1-30345

ore ipsorum est, & in caudis eorum. Et-

Apocal. 9. enim caudæ eorum similes serpentibus ha-
bentes capita, & his nocent. Caudas porro,

Isaie 9. hæretorum ministros intelligit. Propheta

enim docens mendacium, hic est cauda. Ca-
pietà verò caudarum (interprete Augustino)

Homil 7. mundi sunt principes. In his igitur & cau-
in Apocal. dis & capitibus vis inest ad nocendum ma-

xima: siue cum falsi Prophetæ docendo se-
ducunt, siue cum ab ijs corrupti & incitati
principes, etiam terrendo & torquendo ad
mala facienda compellunt.

C A P V T

X I.

AT propterea (inquiunt) erumpitur in
ſæuitiam aliquando, quod Ecclesiastici at-
temperare ſe ad instituta noſtra & mores
nolunt. Hoc & Gentiles pallio ſuum in
Christianos odium tegere, ſuamque ſæui-
tiam, iram eſſe iustum persuadere cona-
tur. Hoc tamē & iſte pallium vſurpare non
dubitat: aſſeritque non aliam ob causam pul-
ſos Hollandia & Zelandia homines Eccle-
ſiasticos, quam quia ſe accōmodare nolue-
rint. Sed ſi viſa eſt ea ſatis iusta cauſa pel-
lendi, num etiam strangulandi? num & cru-
ciatibus varijs excarnificandi? num aut de-
mergendi, aut afficiendi modeſtiſimos e-
tiam homines omni genere cōtumeliarum?
Errant enim, ſi paſſiones & ludibria ſancto-
rum terra marique ſucepta putet ignoraria
tametſi

29

etametsi plenius eadem aliquando patefieri posse speremus. At magis etiam (inquis) sacerdandum fuit in nonnullos, quod Hispanorum consiliorum participes occultis conatibus patriæ perniciem molirentur. Hoc enim (ne quid fingere ipse videar) & isto in libro ad accusationem trahitur sacerdotum, & cleri Hollandici. O quam facile est ut canem cædas, baculum reperire! nam & olim eiusmodi causæ prætextu ab Theodora Augusta, Eutichiana peste corrupta, pulsus in exilium est Beatus Papa Syluerius: quia nimirum deprehensa fingerentur eius litteræ, quibus Romam Gotthos, quos & ipse clerusque totus infestos patiebatur, aduocasset. In Aphrica verò saceruentibus Vandalis, quid non perpensi crebro sunt Catholicæ homines ab Arianis propter odium Romanorum, quibus fauere & quibuscum agere subinde literarum occulto commercio dicebantur? In istiusmodi comminiscendis concinnadisque calumnijs usque adeo semper heretici valuerunt, atque etiamnum valent; ut & hic vulpes non iniuria metuat, ne caudam non habere probetur, quo possit cum simia Leonina lege profligari. Nam & huius apologi lepidam commemorationem interserit, nec aduertit quam is iure posset in similis farinæ homines retorqueri. Cum enim

enim Ecclesiasticum ordinem cane & angue peius oderint, hunc maximè cupiunt ex omnibus terrarum angulis esse dissipatum. In hoc ordine perspiciunt Domini ouillis esse pastores, qui nisi sublati sunt, liberam sibi non esse sentiunt mactandi perpendique facultatem. Molesti in eo sunt latratus canum, quibus contra luporum rabiem otina simplicitas defensatur: ideoque hos ut saltē abigant, in id omnibus consiliorum suorum curis incumbunt. Quod si quorundam huius ordinis hominum lētari societate & coniunctione videantur, id callidæ & temporariæ dissimulatio-
nis quædam facit industria, quo minus vlli ab eorum familiari consuetudine abhorreant, quam non refugisse quodam-
etiam pastores aduertant. Ergo vel odium
suum factæ amicitiæ laruis diligenter ope-
riunt, quo suas partes reddant coniunctio-
ne firmiores; vel, quod dissimulare non
possunt, hoc quolibet æquitatis quæsto
colore, iustum conantur efficere. Quis
enim non protinus hominem seditionis
oderit? quis Reipublicæ ferendum pu-
ret esse proditorem? sub his ergo crimi-
nationibus quasi plausibiliter aut explo-
duntur, aut in vincula coniunctiuntur, aut
etiam

31

etiam trucidantur, quos intempestiuum ad-
huc fuisset sacerdotij nomine disturbare.
Sic olim Julianus Apostata cum ritum Pa-
ganorum modis omnibus constituere co-
naretur, atque id tamen effici vi adhi-
bita non posse videret, ecclesiarum præ-
sules & clericos, seditionum aliorumque
scelerum praetextu submouit & ciuitatibus
id agens reuera, quamcunque speciem
obtenderet, ut illorum absentia paulatim
Ecclesia solueretur: & nec sacrorum mi-
nistri, nec qui docerent ulli existerent,
istoque modo temporum lapsu propriæ
religionis obliuionem Christiani pateren-
tur. Nec verò sum ignarus interesse plu-
rimum, quid publicis vel ciuitatum, vel
eorum qui præfunt, decretis fiat, quidve
priuata rabie vel dolo nonnullorum. Sed
neque illud etiam nescio haud multum in-
teresse, siue fieri quid iubeas, siue commit-
ti sinas, cum possis & debeas impedire.
Si autem impediri vis & rabies multorum
non potuit, etiam si sape quid fieret non la-
teret, infeliciar profectò omni miseria do-
minatus, talium vel subditorum, vel seruo-
rum aut sociorum operam necessariam ar-
bitrari. Sed quid si etiam illi fidelissimi pu-
tentur qui maximè Ecclesiam oderunt? qui
vel ad struendas calumnias ingeniosissimi,

Trib. artite
b. & lib. 6.
cap. 27.

vel

vel ad torquenda in bonos conuitiorum iacula promptissimi reperiuntur? Num inter hos ecclesiastici constituti, propterea videbuntur accusandi, quod se se accommodare, aut condescendere, aut conniuere nequibunt? Et quam obsecro requirunt ad sua, vel dogmata vel mores attemperationem? Si enim hoc exigunt ut ipsis in quibusdam articulis traditæ nobis doctrinæ cedamus; & vel detrahamus quippiam, quo se offendì querantur, vel adhibito quasi temperamento ad eorum arbitrium molliamus; vel non eis saltem errorem coarguendo repugnemus; rem poscunt & à natura veritatis abhorrentem, quæ nihil inimico sibi errori concedi patitur, & maiorum exemplis vehementer improbatam. Non enim obscurum est quam sibi nec vnicam illam consubstantialitatis vocem eripi sustinuerint, ut patri filius nō consubstantialis, sed similis duntaxat esse diceretur: & qui id spe pacis atque concordia permiserint, velut in Arminensi factum synodo legitur, non incertum est quantum improuida simplicitate sua hæreticorum auxerint animos, vt se viciisse iure quodam suo gloriarentur. Ea enim est hæreticorum crebris experimentis cognita versutiæ improbitas, vt ijs si vel ad latum vnguē cesseris in veri assertione, insolescat amplius,

33

amplius, iactentque perfidiæ dextras, & eo
ipso premat infestius, quo pacatores futuri
credebantur. Magnus proinde ille Basilius *Trif. arithm.*
bis lib. 7.
cap. 36.
cum à præfecto monitus esset ut pareret tē-
pori, neque tot Christiani orbis Ecclesias
propter dogmatū subtilitatē diutius exagi-
tari pateretur; respondit eos qui diuinis sint
eloquijs innutriti, corrupti de diuinis dog-
matibus ne vnā quidem syllabā sinere; sed
quasvis citius mortis species amplecti. De-
niq; viderint qui sic obsecūdari sibi volunt,
quēadmodum parere tum queat Episcopus
Apostolo præcipienti: Prædica verbū, insta *2. Timot. 4.*
oportunè, importunè; argue, obsecra, incre-
pa in omni patientia & doctrina. Et rur-
sum: Oportet Episcopū amplecti eum qui *Titum 1.*
secūdum dōctrinam est fidelem sermonem,
vt potens sit exhortari in doctrina sana, &
eos qui contradicunt, arguere. Alibi quoque
admonet, vt cum modestia corripiantur ij,
qui resistunt veritati. Quod verò ad facta
pertinet, moresque hæreticorum proprios,
num id postulant, vt si res sacras plenis buc-
cis irriuant, nos corrideamus? Si templa, si
sacra prophanent, si diuorum imagines de-
trahant, abijciant, conculcent, nos ea facta
cōprobemus? Si ecclesiastica ieunia auido
carniū esu, si festa seruilibus operibus vio-
lent, nos hisce pro nihilo putatis, criminis

C socie-

34

Societate maculemur? Si postremò corrū-
pere hæreſeos veneno simpliciores nitātur,
nos fratrū nostrorū animas perdi müssitātes
patiamur? Cur requirūt accōmodationem,
Rom. viii. quam nō nesciūt litteris Apostolicis prohi-
beri? Nolite (inquit Paulus) cōmunicare in-
fructuosis operibus tenebraiū, magis autem

2. Corin. 6.

redarguite. & : Nolite iugū ducere cum infi-
delibus. Quæ enim participatio iustitiae cū
iniquitate? aut quæ societas luci cū tenebris?
quæ autem cōcordia Christo cū Belial? aut
quæ pars fideli cum infideli? Et alio in loco:

2. Thess. 3.

Denūciamus (inquit) vobis fratres, ut sub-
trahatis vos ab omni fratre ambulatē inor-
dinatē, & non secundū traditionē quam ac-
ceperūt à nobis. Et rursum: Rogo vos fra-

Rome. 16.

tres, diligenter obseruetis eos qui dissensio-
nes & offendicula præter doctrinā quam di-
dicistis faciūt, & declinate ab illis. Tota ergo
quæſtio hæc est; recténe an verò inordinatē
ambulent ij qui sua placita, nō Ecclesiæ Ca-
tholicæ instituta sequuntur: qui nō quod tra-
ditū est tenēt, sed quod quisq; fuerit pro sua
libidine vel opinione commentus. Quod si
prauè ambulant, nos declinare iubemur: si
verò nos ambulamus inordinatē, ipsi nos vi-
tare tenentur: ſin neq; ipsi nos, neq; nos illos
vitare tenemur; aut igitur Apostolica præ-
cepta delenda ſunt, aut, quod fieri non po-
test,

test, utriusque iuxta Euangeliū veræque fidei
normam ambulamus; qui tamen pugnantes
ad eō fidei doctrinæq; vias viuēdo sequimur.

35

S E D non defunt qui has res propter CAPUT
quas dissidijs istis collidimur, opinionum X I L
esse non fidei res arbitrentur: neque admo-
dum interesse siue hoc, siue illud teneatur,
de quo, tanquam de quodam problemate,
utramque in partem differatur. Ideoque
certis quibusdā atque illis primis, quæ sym-
bolo Apostolorum expressa sunt, religionis
capitibus, ex utraque parte conseruatīs, de
reliquis, salua familiari quotidianaq; &
Christianā amicitia, ultro citroq; disputari
oportere contendunt. Sicut olim Apelles Lib. 5. Eccl.
(quiddam enim esse videtur, tametsi non hist. ca. 13
per omnia simile) asserebat non oportere
omnino fidei discuti rationem; sed vnum-
quæque debere in eo quod credidit perma-
nere. Salutem namque his esse qui in Cru-
cifixum sperent, tantum si in bonis operi-
bus inueniantur. Themistius quoque Phi- Tribarium
losophus, cū Valentis imperatoris Ariani, ad hist. lib. 7.
delendos Catholicos cerneret improbum cap. 12.
zelum; hac eum ratione mitiorem reddere
conatus est, si scriberet gratius esse Deo,
quod non facile cognosci videatur; diuersis
que de illo diuersa profitentibus, non uno
modo glorificetur. Ad similem modum,

C 2 & ho-